

- 1^r Billich jn künfftig armüt feltt
- 2^r Wer stâts noch schleck vnd füllen stelt
- 3^r Vnd sich den brassern zû geselt



von fullen vnd prassen.

- 1 Der düt eym narren an die schû
- 2 Der weder tag noch nacht hat rûw
- 3 Wie er den wanst füll / vnd den buch
- 4 Vnd mach vß jm selbs eyn wynschluch

5 Als ob er dar zů wer geboren
 6 Das durch jn wurd vil wyns verloren
 7 Vnd er wer eyn táglicher riff
 8 Der ghört wol jn das narren schiff
 9 Dann er zerstört vernunfft vnd synn
 10 Das wirt er jn dem alter jnn
 11 Das jm würt schlottern kopff vnd hend
 12 Er kürzt syn leben vnd syn end
 13 Eyn schädlich ding ist vmb den wyn
 14 By dem mag nyeman witzig syn
 15 Wer freüd vnd lust dar jnn jm sůcht
 16 Eyn drunckner mensch gar nyemans růcht
 17 Vnd weiß keyn moß noch vnderscheyt /
 18 Vil vnkůsch kumbt vß trunckenheyt /
 19 Vil übels ouch dar vß entsprinckt /
 20 Eyn wiser ist / wer syttlich drinckt /
 21 Noe möcht lyden nit den wyn
 22 Der jnn doch fand vnd pflantzet jn /
 23 Loth sündt durch wyn zů andern fart /
 24 Durch wyn der toüffer kōppfet wart /
 25 Wyn machet vß eym wisen man
 26 Das er die narrenkapp streiff an /
 27 Do Jsrahel sich füllet wol /
 28 Vnd jnn der buch was me dann vol /
 29 Do fyngen sie zů spielen an
 30 Vnd müsten do gedantzet han /
 31 Gott gbot den sůnen Aaron
 32 Das sie syn soltten wynes on /
 33 Vnd alles das do truncken macht
 34 Des priesterschafft doch wenig acht

35 Do Holofernes druncken wart
 36 Verlor den kopff er / zů dem bart /
 37 Thamyris riecht zů spiß vnd tranck
 38 Do sie den künig Cyrum zwang /
 39 Durch wyn lag nyder Bennedab /
 40 Do er verlor noch all syn hab
 41 All ere vnd tugent gar vergaß
 42 Allexander / wann er truncken was /
 43 Vnd dett gar oft in trunckenheyt
 44 Das jm wart selber dar noch leit /
 45 Der rich man tranck als eyn gesell
 46 Vnd aß des morndes jnn der hell /
 47 Der mensch wer fry / keyn knecht gesyn
 48 Wann drunckenheyt nit wer / vnd wyn
 49 Wer wyns vnd feyßt dings flysset sich
 50 Der wirt nit sellig oder rich /
 51 Dem we vnd synem vatter we
 52 Dem würt krieg / vnd vil vnglücks me
 53 Wer stâts sich füillet wie eyn ků
 54 Vnd will eym yeden drincken zů
 55 Vnd warten / als das man jm bringt /
 56 Dann wer on nott vil wyns vß drinckt
 57 Dem ist glich / als der vff dem mer
 58 Entschlofft / vnd lyt on synn / vnd wer
 59 Als dünt die vff den praß hant acht
 60 Schlemmen vnd demmen / tag vnd nacht
 61 Den dreit der wirt noch kuntschafft zů
 62 Eyn búg vnd vierteyl von eynr ků
 63 Vnd bringt jnn mandel / figen / riß /
 64 So bzalen sie jn vff dem yß

38 Cyrum *GW5046 GW5047*] Syrum *GW5041* 50 wirt *GW5046 GW5047*] wurt *GW5041*
 62 vierteyl *GW5046 GW5047*] viertel *GW5041*

65 Vil würden bald vast witzig syn
 66 Wann wißheyt stecket jnn dem wyn
 67 Die jnn sich giessen spat vnd frū
 68 Je eyner drinckt dem andren zū /
 69 Jch bring dir eyns / ich kützel dich /
 70 Das gbürt dir / der spricht / so wart ich /
 71 Vnd wer mich / biß wir beid sint vol
 72 Do ist den narren yetz mit wol
 73 Eyns vff dem becher / zwey für den mund
 74 Eyn stryck an hals wer eym gesundt
 75 Vnd wāger dann sollich füllery
 76 Triben / es ist eyn groß narry /
 77 Die Seneca zittlich für sach
 78 Dar vmb er jnn syn büchern sprach
 79 Das man würd ettwan geben mer
 80 Eym druncknen / dann eym nüchtern ere
 81 Vnd man wurd wellen gerūmet syn
 82 Das eyner druncken wer von wyn
 83 Die biersupper ich dar zū meyn
 84 Do eyner drinckt eyn tunn alleyn
 85 Vnd werden do by also vol
 86 Man lieff mit eym eyn tür vff wol /
 87 Eyn narr muß vil gesoffen han
 88 Eyn wyser måßlich drincken kan
 89 Vnd ist gesünder vil dar mit
 90 Dann / der mit kübeln jn sich schüt
 91 Der wyn ist gar senfft am jngang
 92 Zū letst sticht er doch wie eyn schlang
 93 Vnd güßt syn gifft durch alles blüt
 94 Glich wie der Basiliscus dūt

73 dem GW5046 GW5047] den GW5041 92 letst GW5046] letzst GW5041 lerst GW5047